

دارالفنون

حقوق اقتصادیات

حقوق اقتصادیات

ایکی آبدہ بر نشر اولنور

مندرجات

قسم حقوق :

اسو مجرہ قانون مدنیسنہ نظراً ھبہ	حاجی عادل
ای وفتا بودجه اصولاری	وصفی راشد
فرانسهده احوال مدنیہ معاملات و سجلاتی	صدیق سامی
فرانسهده شورای دولت	وصفی راشد
اسو مجرہ قانون مدنیسی شرحی	وصفی راشد
میراثک قضاء تقسیمی	مصطفی رشید
المالیاده وصایت ایشلری ووصایت محکمہلری	صبری

قسم اقتصادی :

استقراض و دیون عمومیہ	عینی زاده حسن تحسین
---------------------------------	---------------------

استانبول — یکی مطبعہ

۱۳۴۴ — ۱۳۴۱

آلمانیه وصایت ایدلری

وصایت محکمری

وصایت حقوقی دائماً عائله حقوقی میاننده ذکر ایدلمکده در . اسکیدن بو حقوق یا کلش اوله رق وجیه مناسباتنه دائر اولان حقوق میاننه ادخال ایدلمشدی . حالبوکه وصایت محتاج معاونت بر قاصرک محروم اولدینی تقید پدرانیهی تلافی ایتمک و اوکا بر بدل اولمق نقطه سندن مطالعه اولونمق و حقوق وصایت بواساس اوزرینه قورولمق لازم کلیر . وصی ایله تحت وصایتده بولان آره سنده بر طاقم موجودیتی مکفیتلرک وصایتک وجیه مناسباتندن عدینه اصلا کافی بر سبب تشکیل ایده مز . نته کیم تبی مسائلی ده عائله مناسباتنک صنعی بر مولودیدر .

۱۸۷۰ ده ارل وصایت حقوقی : اسکی آلمان حقوقنده معاونت پدردن محروم بولان بر چوجفک وصایت آلتده بولونمسی بر پرنسیپ ایدی و وصایت چوجفک سن رشدینه قدر دوام ایدر و بویاش ۱۲ ایله ۱۸ آره سنده تخالف ایلردی . ساقسونیا حقو- قنده رشید اولان یعنی ۱۲ یا شنده بولان چوجق کندی آرزوسیه ۲۱ یاشنی اکمال ایدنجه قدر وصایت آلتده قاله بیلیردی . لکن بالاخره حال کبریته قدر بروصی آلمسی لزومی تقرر ایتدی و بوحده قدر صغیرکی اهلیت تصرفیه دن محروم ایدلدی .

وصی درجه اولاده پدر طرفدن یقین اقربا ایدی . علی الاکثر والده غیر متأهل قالدجه حق رجحانی حائز ایدی . وصایت ایچون دعوت اولنان کیمسه بوکا اهل دکلسه عائله دیگر برینی نصب و وصایت اهل و مستحق کیمسه لک فقدانی حالنده وصی بی حکومت تعیین ایدردی . وصی کرک وصیت طریقیله تعیین و کرک قانوناً دعوت اولنه بیلیردی . لکن هرا یکی صورته ده هیچ بر کیمسه نک حکومت طرفدن امر ایدلمکجه وصایتی درعهده ایده بیلیمسی جائز دکلدی . شو صورته یالکیز وصی منصوب طانمش اولویوردی . بونکله برابر وصیتده کی صوک آرزو مهمما ممکن نظر اعتباره آلیردی .

وصی اوزرینه نظارت ده ابتدالری بر عائله ایشی ایدی . بالاخره شهرک اک بیوک

مأموری و مملکت رؤسای نزدیک بر مافوق وصایت اداره‌سی تأسیس ایتدی ودها صکره‌لری بومافوق وصایت محکمه‌لره ویرلدی ووصایتک اداره‌سنه دائر قواعدی عمومیتله روما حقوقی احکامی تشکیل ایدیوردی .

وصایت مخصوصه و دماغ خسته‌لنی ایله معلول اولانلر ، کوتوروم و سقطلر و سفیهلر اوزرینده‌کی وصایت بدایتده روما حقوقندن مستثنی اوله‌رق انکشاف ایتدی ایسه‌ده بالآخره بوقسم‌ده‌ده روما حقوقی غالب و حاکم اولدی . وصی و وظیفه وصایت ایتدار ایدرکن یمین اجرا و تأمینات اعطا و صغیرک امواله دائر بر دفتر تنظیم ایدر و وصایت محکمه‌سنه معین زمانلرده حساب ویرردی صغیرک شخصی و یا مالی اوزرینه نظارت و اونی کرک شخصنده و کرک مالنده قانوناً تمثیل ایدردی . وصایتی آلتنده‌کی کیمسه‌نک اموالی بیع و فراغ ایچون بر محکمه قرارینه محتاج ایدی . تقصیری خطاسندن مسئول اولدینی کبی ایکنجی درجه‌ده‌ده مافوق وصایت مقامی وظیفه نظارتده‌کی قصورندن طولانی صغیره ایراث ارلنان ضررلردن مسئول ایدی . وصایت کندیسینی تأسیسه سبب اولان احوالک زوالیه بولور و بر چوق خصوصاتده وصی ایچون موضوع احکام وصی مخصوصه‌ده تطبیق اونوردی .

۱۸۷۵ نه صکره وصایت مقرری : ۱۹ نجی عصرده وصایت حقوقی آلمان حقوق خصوصیه‌سی [متحد حکومتلر حقوقی] طرفندن تنظیم ایدلمکک باشلادی . بالخاصه پروسیانک ۵ تموز ۱۸۷۵ تاریخلی وصایت نظامنامه‌سی بونقطه‌ده شایان دقت بر یکیکل کوستردی . آلمان حقوق عمومیه‌سی [عموم آلمانیا ایچون مشترک حقوق] وصایت اداره‌سنک سر بستیسی زیاده سیله تحدید ایتمش و بونی روما حقوقندن آلمش ایدی بونک کبی اسکی پروسیا حقوق خصوصیه‌سی‌ده وصی بی محکمه‌نک دائمی و درین بر مداخله‌سی آلتنه قویمش ایدی . مذکور نظامنامه ایسه بالعکس استقلال وصی برنسیپندن ملهم اولدی و صینک امور وصایتی و بالخاصه اموالک اداره‌سی مستقلاً ایفا ایتمی ووصایت محکمه‌سنک اونی آنجق مراقبه‌سی و معین احوالده اذن و تصویب حقنی حائز اولسنی قبول ایتدی . مع مافیه و صینک هر حالده حکومت طرفندن تعیین سیستمده محدود استثنالردن صرف نظر مصر قالدی و وصایت دعوتده برحق رجحان طانیدی .

باویرا حقوقی باشلیجه نقاطده آلمانیاک اسکی اساسات حقوقیه سیله برلشدی ووصایت حسب السن کندی کندیلرینی اداره ایده‌مینلری حمایه ایتک واونلرک کرک شخصلری

و كرك ماللریخی لایق اولدیغی تقیده مظهر قیلمق ایچون بر جبر و قدرت اوله رق طانییدی .
وصی وظیفه سینه مباشرتدن اول وظیفه سی اجرا ایده جگنه عهد و پیمان ایتمه صغیرك
امواله دائر بر دفتر تنظیم ایتمه اكر حكومتجه مقتضی كوریلیرسه تأمینات اعطاسنه
و تعیینه دائر رسمی بر حجت اخذینه مجبور ایدی . وصی قصدی ویا فاحش خطاسندن
منبع ضرردن مسئول ایدی . وصایت دائره سی ایکنجی درجه ده مسئول عد اولمش
ایدی . صغیرك وصیتك اذتی استحصال ایتدن اجرا ایتدیگی بر تصرف حقوقی کندی
طرفندن برعه دی ، لزومی افاده ایتمز بالعکس صغیر ایچون بر منفعت واریسه عاقد دیگر
وجیهه سی ایفا ایله مكلف طویلبردی . مع مافیه صغیر بفرحق مال اکتساب ایتش یاخود
قصداً برینه ضرر ایتش ایسه مسئول ایدی .

غير منقولاتك ترك و فراغی آنجق مهم بر سبب حقوقیدن (ضرورتدن ویا نفع
محضدن) طولایی اساسی تحقیقات اجرا سندن و حكومتك اذنندن صكره جائز ایدی .
عینی حكم كندی سندن انتفاع ایدلمكده اولان غیر ثابت (منقول) اشیا حقنده ده جاری
ایدی . مریض العقل ، سفیه ، غائب و وراثت موقوفه (حمل) اوزرینه ده وصایت مخصوصه
تأسیس اولنوردی . بوندن بشقه فوق العاده وصی مخصوص اوله رق موقت وصیلر ایله
والده و بیوك والديه ترفیق ایدیلن مشاورلر وار ایدی .

۱۸۷۵ تاریخلی ساقسونیا قانوننه نظراً پدرك ولایتی آلتنده بولمیان ویا اوزرلرنده
پدرك ولایتی جاری اولامیان صفاره بر وصی تعیین اولنوردی . وصی اوزرنده مافوق
وصایت صفتیه صلاحیتدار محکمه واردی بو محکمه وصایتی قبولدن بلا سبب امتناع حالنده
یاخود وصیتك وظیفه سی سوء استعمالنده جزای نقدی و حبس حكم ایدر . و وصیتك
تعیینله رأساً مشغول اولوردی . وصی بعض شرائط آلتنده تأمینات اعطا و صغیرك اموالی
ناطق بر جدول تنظیم وهرسنه حساب ویرر ایدی . قصدی ویا فاحش خطاسندن مسئول
اولوردی . صغیر وفات ایدر ، ولایت پدر آلتنه کیرر ، رشید اولور ویا رشدینی اثبات
ایلرسه وصایتی ختام بولوردی . معین مصالح ایچون تأسیس ایدیلن وصایت او . صالحك
انتاجیه ختامه ایرردی . مریض العقل ، معلول ، سفیه و غائب کیمسه لرله جینیلر
اوزرنده کی وصایت حقنده احکام مخصوصه موجود ایدی .

۱۹۰۰ دنه صكره وصایت صفوقی : ۱۹۰۰ تاریخنده موقع مرعیه کیرن آلمان قانون
مدنیسی بر چوق احکامده اولدیغی کبی وصایت بحثنده ده نقاط مهمه ده ۱۸۷۵ تاریخلی

پروسیا وصایت نظامنامه سی نمونه و اساس اتخاذ ایتدی بوکا سبب نظامنامه نك اساسلی مذاکرات نتیجه سنده تدوین ایدلمش و آلمانیا نك مهم و بیوک برقسمنده یعنی پروسیا دولتی ساحه سنده جاری حقوقی و عینی زمانده مختلف مملکتلرک حقوق سیستملرنده کی مناسباتی بوندن بشقه فرانسه حقوقی ده نظراعتباره آلمش اولمسی ایدی ، بویله اولمقله برابر قانون مدنی برچوق مسائله پروسیا وصایت نظامنامه سنندن ایرلدی و بوافتراق قانون مدینک اقسام سائر سیله ارتباط و آهنگ تأمین لزومندن و بالخاصه اهلیت تصرفیه و ولایت ابون حقدیه کی یکی احکامدن ایلری کلدی و مثلاً پدرک وفاتندن صکره صغیر اوزرینه والده نك ولایتی و ازدواج حالده ولایت ابونک ختامی نظامنامه ده موجود دکل ایکن قانون مدنیده مختلف وضعیتلرده تثبیت و قبول ایدلدی .

قانون مدنی پروسیا نظامنامه سنک و سینک استقلاله دائر قویدیعی پرنسپیی برچوق مناقشاتی موجب اولمقله برابر محافظه ایتدی . بوکا مقابل صغیرک اموالی حقدیه کی تأمینات اصول و شکللرینی توسیع و توثیق ایدلدی . قانون وصایت مخصوصه یی آجق احوال معینه ده برحمایه لزوم کورلدیکی تقدیرده تأسیس و پروسیا نظامنامه سنه مخالف اوله رق غائب ایچون بروسی دکل بلکه بروسی مخصوص تعیین ایتدی .

وصی و وصی مخصوص : وصایت آلتیه آلتیه حق کیمسه نك شخصی و مالی حقدیه عمومی برحمایه و تقید مقتضی اولدیغی صورتده کندیسنه بروسی نصب اولنور . بالعکس معین مصالح و یاخود معین بر ساحه ده کی مساعی ایچون وصی مخصوص تعیین ایدیلور . [بوا ساسدن ۱۹۰۹ فقرة ۳ و ۱۹۱۰ فقرة ۱ نجی ماده لر مستثنا در] . حمایه نك لزومی موقتیدر دائمی میدر بفرق یاماز . بوندن بشقه بویکی وصایت آره سنده دیکر فرقلرده واردر : تحت وصایتده یالکزر اهلیت تصرفیه دن محروم یاخود اهلب تصرفیه سی محدود کیمسلر (۱۸۹۶ ، ۱۷۷۳) ، ۱۹۰۶ ، ۱۰۶ ، ۱۱۴) بولودیغی حالده وصایت مخصوصه اهلیت تصرفیه سی علی الاطلاق تام اولان اشخاص اوزرینه دخی تأسیس اولنه یایر . (۱۹۱۰ ، ۱۹۱۱)

وصینک ساحه صلاحیتی قانوناً تعیین ایدلمش اولدیغی حالده وصی مخصوصک حقوق ووظائفی حین تعیننده وصایت محکمه سی طرفندن تصریح ایدیلیر .

خلاصه وصی وصایت آلتنده بولنان کیمسه نك عمومی برمثل قانونیسی اولدیغی حالده وصی مخصوص ایچون بویله برتمثل صلاحیتی موضوع بحث اولاماز . اونک تمثیل قدرتنک

حدودی علی الا کثر تعیینه دأر حجتدن و بعضاً کندیسنه تودیع ایدیلن وظیفه نك ماهیتندن استدلال اولنق ایجاب ایدر .

وصی مشترك و ناظر وصی : قاعدة بر وصایت ایچون حتی متعدد قرده شلر تحت وصایتہ الناسلر بیلہ یالکز بر وصی تعیین اولنور . لکن اسباب فوق العاده دن طولانی وصایتی یا مشترکاً یا خود مساعی ساحه لرده آری آری اداره ایتک اوزره متعدد وصیلر تعیین اولنه بیلر . (۱۷۷۵ ، ۱۷۹۷ ، $\frac{۱۷۷۸}{۲}$)

باشلیجه وظیفه سی وصی به نظارتدن عبارت اولان وصی ناظرینک تعیینی دائماً جائزدر (۱۷۹۹) بر مالک اداره سی ایجاب ایتدیکی تقدیرده آریجه بر ناظر تعیینی موافق در مکرکه بواداره اهمیتسز یا خود وصایت متعدد وصیلر طرفندن مشترکاً ایفا ایدلکده بولنسون (۱۷۹۲) متعدد وصیلر مشتركاً ایفای امور ایتلری مشروط اولدینی تقدیرده دیکر لری وصایتی رد ایده بیلرلر چونکه مشترکاً چالیشق امنیت و امتزاج کبی خصوصاته مفتقر در . $\frac{۱۷۸۶}{۷}$ [اسوچره قانون مدیسی ۳۷۹] ناظر وصی تعیینی حالده بر حق رد موضوع بحث اولاماز .

وصیتك مسئولیتی : وصی و ناظر وصی ۱۸۳۳ نجی ماده موجبجه حیلہ و یا تقصیر نتیجه سی وظائفی اخلاص ایدر سه صغیر ایچین حصوله کلن ضرردن مسئولدر بومسئولیت قانون مدینک ۲۴۹ نجی و متعاقب ماده لری قواعدی دائره سنده تعیین اولنور و تحت وصایتده بولنان کیمسه نك ضررک حصولده بر قصوری بولنش ایسه ۲۵۴ نجی ماده تطبیق ایدیلر . ضرر مالی اولیوبده مقتضی اولان تقید و اهتمامده کی تقصیردن ناشی وصایت آئنده کی کیمسه نك تردیسنه سبیت ویرلش اولسه ۲۵۳ نجی ماده به نظرأ تضمینات ایسته مز .

قانون مدینک بر چوق یرنده مأموریت ایله توصیف ایدلش اولسنه رغماً وصی و ناظر وصی مأمور دکلددر . بناء علیه وصیتك مسئولیتی بو نقطه دن مطالعه ایدیله مز . مسئولیتی تحت وصایتده بولنان کیمسه ایله وصی آره سنده کی بر مقاوله نك اخلاصی اساسنه استناد ایتدیرمک بویله بر مقاوله موجود اوله مسنه کوره خیالی اولور . مسئولیتی مجرد افعال غیر مشروعه قواعدی اوزرینه ابتنا ایتکده شایان قبول کورولمه مشدر .

وصایت حقوق عمومی نقطه سندن اولدینی قدر حقوق خصوصیه اعتباریلده بر قاراقته ری

حائزدر . نته کیم ۱۷۸۵ نجی ماده وصایتی حقوق عمومیه جهندن مطالعه ابتدکی حالدہ ۱۷۸۷ نجی ماده حقوق خصوصیه جه حائز اولدینی ماهیت اوزرینه سوق ایدلمشدر . بناءً علیه بوبابده کی مسئولیتی نه افعال غیر مشروعه قواعدیله ونده مأمور صفتیله تدقیق وتحلیل ایتک مناسب دکلدرد .

مسئولیت حقنده کی مرور زمانه کلنجه بالتیجه بونی عمومی مرور زمان اولان ۳۰ سنه اوله رق قبول ایتک ایجاب ایدرد . یوقسه ۳ سنه لك مرور زمانه تابع دکلدرد [۱۹۵ ، ۸۵۲ نجی ماده لرله مقایسه]

۱۸۳۳ نجی ماده وصی مخصوص حقنده ده جاریدرد .

وصی یه قارشی تضمینات ادعاسی وصایتک ختامندن اول دخی دعوی طریقله در میان اوله بیلیر . بوتقدیرده وصایت آلتنده کی کیمسه یی تمیل ایچون بروصی مخصوص تعیین اولنور . (۱۹۰۹ ، $\frac{۱۷۹۵}{۲}$ ، ۱۸۱) وصایتک دوامی مدتجه مرور زمان جریان ایتمز . وصینک وفاتنده ورثه نك مسئولیتی احکام عمومیه یه توفیقاً حل ایدیلور (۱۹۶۷ ومتعاقب موادی) ۱۷۸۷ نجی ماده موجبجه وصایتی رد ایدن کیمسه کذلک ۲۴۹ ومتعاقب ماده لرله توفیقاً مسئولدر . بومسئولیت دعواسنده ده مرور زمان مدتی عینی اسباب قانونیه یه مبنی ۳۰ سنه در . ردک اسباب قانونیه یه مستند اولوب اولمادی حقنده وصایت محکمه سی قرار ویرر . محکمه نك وصایتی قبولدن امتناعی رد ایدن قرارینه قارشی اعتراض سریع طریقته مراجعت اولنور . اعتراض مذکور امرک امتناع ایدنه تبلیغندن اعتباراً ایکی هفته ظرفنده تقدیم اولنمق لازمدر . اعتراضی تدقیق ایدن مافوق محکمه نك قرارینه قارشی آنحق قانونه مخالف اولدینی ادعاسیله ده یوقاری درجه ده اعتراض اولنه بیلیر . (منازع یه اولیان مسائله قضائیات قانونی $\frac{۲۰۶}{۱}$ ، ۲۲ ، ۲۷ ، ۲۹)

وصایت محکمه سی طرفندن ۱۷۷۹ نجی ماده یه توفیقاً وصایت انتخاب ایدیلوب ده ۱۷۸۵ و ۱۷۸۶ نجی ماده موجبجه وصایتی قبوله مکلف اولان کیمسه قبولدن امتناع ایتمش ایسه تحت وصایتده کی کیمسه نك کنديسندن ضرر وزیران طلبنه حق وادرر . قانون وصایتی قبول ایچون مطلق رجبر طریقته کیمه مشدر . آرزوسی خلافه کنديسنه بروصایت تفویض ایدیلن کیمسه نك ای بروصی اوله میه جفی آشکاردر . مع مافیه ۱۸۷۹ نجی ماده موجبجه انتخاب ایدیلوب ده ۱۷۸۵ و ۱۷۸۶ نجی ماده لرده کی اسبابدن بری اولمقسزین

وصایتی اساساً و یا موقتاً قبولدن امتناع و یا دعوتہ اجابت ایتمین کیمسہ یہ قارشی وصایت محکمہ سی ۱۷۸۸ نجی مادہ یہ توفیقاً بہری اعظمی ۳۰۰ مارق اولوق و برر ہفتہ فاصلہ ایلہ اوچ دفعہ یہ منحصر بولمق اوزرہ مجازات انتباہیہ ترتیب ایتمشدر . بناء علیہ اوچنجی دفعہ تعیین ایدیلن جزادہ ثمرہ سز قالمش اولورسہ محکمہ آرتق دیگر بروسی انتخابہ مجبوردر . منازع فیہ اولان مسائلدہ قضائیانہ دائر قانونک ۳۳ نجی مادہ سی برنجی فقرہ سی موجبہ تعیین جزادن اول تہدیدی براخطار یا بلق لازمدر .
۱۷۸۵ ، ۱۷۸۷ ، ۱۷۸۸ نجی مادہ لر ناظر وصی و وصی مخصوص حقندہ تطبیق اولنور .

عالم مجلسی : بروصایت خاصہ دن عبارت اولان عالمہ وصایتی ۱۸۷۲ نجی مادہ موجبہ وصایت محکمہ سنک حقوق ووظائفی حائردر . بناء علیہ عالمہ مجلسی بر معین وصایتدہ تماماً بر مافوق وصایت صقیلہ وصایت محکمہ سی مقامہ قائم اولور [اسویچرہ قانون مدینسی مادہ : ۳۶۲] . ناحیہ ایتم مجلسی کی مافوق وصایتک بر عضو معاونی دکلدر . وصیتک وحقی ناظرک انتخاب ونصبی وعزلی بونلر اوزرینہ نظارت ، مجازات انضباطیہ تقدیری ووصایت محکمہ سنک قانوناً اعطاسنہ صلاحیتدار اولدینی مساعده و موافقتلری اعطا ودفتری سنہلک ونہائی حساباتی تدقیق بو مجلسہ عائد اولور . وصی عالمہ مجلسنہ اعضا اولاماز . چونکہ وصیہ نظارت عالمہ مجلسنہ عائددر .

عالمہ مجلسی کرک [نسبی صحیح اولسون اولسون] صغیر و کرک کبیر اولسون وصایت ویا وصایت مخصوصہ آلتہ آلتہ حق کیمسہ لر اوزرینہ تشکیل اولنہ بیلیر . ۱۹۱۳ و ۱۹۱۲ نجی مادہ لرده کی احوالده ماہیۃ عالمہ مجلسی تأسیسی موضوع بحث اولاماز . عالمہ مجلسنک تشکیلی ایچون قاصرک منفعتی بولمقلہ برابر مطلقا بر امر و طلب سبق ایتمک شرطدر (۱۸۵۸ ، ۱۸۵۹) . عالمہ مجلسنہ وصایت حاکی ریاست ایدر . مجلس ۲ الی ۶ اعضادن ترکیب ایدر . اعضا بالذات ایفای وظیفہ یہ مجبوردر وکیل تعیین ایدہ مزلر . مجلس رئیس اولان حاکم ۱۸۵۸ نجی مادہ موجبہ و دیگر اعضا لر ۱۸۱۲ نجی مادہ ۲ نجی فقرہ ۲ نجی بندی موجبہ مسئولدر . متعدد مجلس اعضا لر ۸۴۰ نجی مادہ موجبہ متسلسلاً مسئولدر . عالمہ مجلسنک ورئیسنک مقررانہ قارشی عینیلہ وصایت محکمہ سنک قرارلرینہ قارشی اولدینی کی اعتراض اولنور . اعضا آنجق بالرضا عالمہ مجلسی طرفندن عزل اولنہ بیلیر (۱۸۷۸) . وصایت محکمہ سنک فوقندہ کی « لاتد » محکمہ سی طرفندن واقع

عزله قارشى « اوبر لاتد » محکمه سنه اعتراض اولنه بیلیر. ۱۸۸۷ و ۱۸۸۸ نجی ماده لرده کی اسباب عزل عائله مجلسی اعضالغنه تطبیق ایدلر چونکه بوماده لرده کی اشخاصک مذکور اعضالغنه نصبنده اذن و مساعده لازم دکدر . ۱۸۶۹ نجی ماده موجبنجه هیچ برکیمسه عائله مجلسی اعضالغنه اجبار ایدله مز . بناء علیه ۱۷۸۵ ، ۱۷۸۷ نجی ماده لر عائله مجلسی اعضاسنه تطبیق ایدلر . مع مافیه حین تعیینده بوباده کی حقى استعمال ایتین اعضا آنجق اسباب مهمه دن طولای عفوی ایستیه بیلیر .

نامه ایتمام مجلسی : مافوق وصایتک معاون برعضوی اولان ناحیه مجلسنک وظائفی ۱۸۴۹ - ۱۸۵۱ نجی ماده لرده ذکر ایدلمشدر . ناحیه مجلسی لدی الحاجه بالذات زیارت ، معلمندن ویا اوسته سندن استعلام ایدرک تحت وصایتنده بولنان کیمسه حقنده وظیفه نظارتی ایفا واموالی تحت تهلکده کوررسه وصایت محکمه سنه معلومات اعطا ایدر مع مافیه مجلس اموالک اداره سی حقنده برنظارتله مکلف دکدر بلکه تصادفاً مطلع اولدینی بویه برحالی اخبار ایده جکدر . قانون مدنی ایکنجی قومیسویننده مجلسک اموال اداره سی اوزرنده ده مثبت برنظارتله مکلفیتی حقنده کی تکلیف رد ایدلمشدر . ایتمام مجلسی وصی ، وصی مخصوص ، ناظر وصی ، وصی مشاور ، عائله مجلسی اعضاسی اولغنه صالح اشخاص وکذلک وصی ناظر وصی ، وصی مخصوص تعیینی مستلزم مطلع اولدینی هر برحالی وصایت محکمه سنه بیلدیر مکلفدر . (منازع فیه اولیان مسائلده قضایه دائر قانون : ۴۹)

۱۷۷۹ ، ۱۷۹۱ ، ۱۶۹۴ ، ۱۸۶۲ ، ۱۸۹۷ ، ۱۹۱۵ نجی ماده لرده کی احوالده انتخابدن اول ناحیه مجلسی استماع اولتمق لازمدر . مع مافیه وصایت محکمه سی مجلسک تکلیفاتیه مقید دکدر .

قانون مدنی وصایت محکمه سنه ایتمام مجلسی اوزرینه برنظارت وانضباطی برتجزیه حقى تصریح ایتیه مشدر . بوباده بعض حکومات متحده قوانینی وضع احکام ایتمشدر مثلاً باد قانوننه کوره نظارت ناحیه مجلسی ایله آمت حاکمه عاؤدر . و آمت حاکمی اعضا حقنده اخطار ، توبیخ و ۴۰ مارقه قدر جزای نقدی تعیین ایده بیلیر .

وظیفه لرینی سوء استعمال ایدن مجلس اعضاسنک مسئولیتندن قانون مدنی صراحة بحث ایتیه مشدر . بناء علیه بونلرک مسئولیتی مأمور عد ایدلدکلرینه کوره دیون مناسبانه دائر احکام عمومیه دائره سنده تعیین اولتمق لازم کلیر (ماده ۸۲۳ و متعاقبی) ایتمام مجلسی تشکیلاتی

حکومات متحدہ حقوقہ ترک ایدلشدر . مجلسہ قادیسلردہ اعضا اولابیلیر . اعضاالق اکثر حکومتانده فخریدر . اجرت ویرلدیکی تقدیرده ناحیه یه عائددر . مجلس اعضایی ساقسونیاده اوج بادده آلتی سنه ایچون انتخاب اولنور .

وصایت محکمہ سی : مافوق تشکیلات اساسی اعتباریله دولت تشکیلاتیدر واکثر حکومتانده متحدده محکمہ لردر . وبالخاصه منازع فیہ اولیان مسائلده قضائیات قانوننک ۳۵ نجی ماده سنه نظراً آمت محکمہ لردر [وصایت محکمہ سی - وصایت حاکمی] یوقسه سابقاً وورتمبرغ قوانینده اولدینی کی ناحیه لر وفرانسز حقوقنده اولدینی کی عائله دکلدر . مع مافیہ قانون مدنی بو ایکی عاملک مشارکتی هیچ برزمان انکار ایتمش دکلدر . بالاده عرض ایدلیدی اوزره مافوق وصایتک حقوق ووظائفی بعض احوال وشرائط آلتنده عائله مجلسه تودیع اولونمشدر . ۱۸۴۷ نجی ماده موجبجه وصایت محکمہ سی اتخاذ ایدجکی برقرار حقنده وصینک ویا ناظرک طلبیله ومصالح مهمده بلا طلب وصایت آلتنده کی کیمسهنک نسباً وصهرراً اقبایسی استماع ایدجکلدر . وصینک انتخابنده پدرك نفوذ ومداخله سی قبول ایدلشدر (۱۷۷۶-۱۷۷۸ ، ۱۸۹۹ ، ۱۹۰۰) وصینک انتخابنده اول امرده نسباً وصهرراً اقبای نظر اعتباره آلیر (۱۷۷۹ فقره ۳) ونهایت منازع فیہ اولیان مسائلده قضائیاته دائر قانوننک ۵۷ نجی ماده سی موجبجه وصایت ویا وصایت مخصوصه آلتنه آله حق کیمسهنک نسباً وصهرراً اقبایسی ایچون واسع بر اعتراض حقی بخش اولنمشدر . ناحیه ایتام مجلسری تشکیل اولنهرق وصایت ایشلرینه بدرجه یه قدر اشتراکری قبول ایدلشدر .

قانون مدنی مدخل قانوننک ۱۴۷ نجی ومنازع فیہ اولیان مسائلده قضائیات قانوننک ۱۹۰ ، ۱۹۴ ، ۱۹۵ نجی ماده لری موجبجه وصایت محکمہ سنه عائد وظائف ایچون محاکمدن ماعدا دوائرک صلاحیتی حقنده کی حکومتانده حقوقی محفوظدر . بو صلاحیتی بالخاصه وورتمبرغ استعمال ایتشدر . وورتمبرغک ۲۱ تموز ۹۰۹ تاریخنده تعدیل ایدیلن ۲۸ تموز ۱۸۹۹ تاریخلی قانون مدنی تکمله قانوننک ۴۱ نجی ماده سنه نظراً هر ناحیه ایچون منطقه نک کاتب عدلرندن وایکی (مقدمه درت) یتیم حاکمدن مرکب اولمق اوزره بروصایت محکمہ سی تشکیل اولنمشدر . ناحیه مدیری حسب المأموریه یتیم حاکمیدر . دیگر حاکم لر ناحیه مجلسی طرفندن اوج سنه ایچون تعیین اولنور . وبو محاکم آمت ، لاند واورلاند محکمہ لرینک نظارت رسمیه سی آلتنده در . وصایت محکمہ سنک

بعض اموری آمت محکمه‌سنه ویرلشدرد . مکلنبورغده برچوق شهرلرده مافوق وصایت آمت محکمه‌لری یرینه شهرک والسی طرفندن خصوصی یتیم محکمه‌لری معرفتیه اجرا ایدیلیر . لوبکده اداره مأمورلری وصایت مأموری اوله‌رق تعین اولنور . هامبورغک بعض محللرنده لاند محکمه‌سی اعضالریله حقوقه منسوب اولیان منتخب اعضالردن مرکب مافوق وصایت اداره‌سی تشکیل و بعض محللرنده بو اداره اداری رئیسه ویا آمت حاکمه تفویض اولنشدرد . بره‌منده وصایت اداره‌سی لاند و آمت محکمه‌لری اعضاسندن تشکیل اولنور . بونکه برابر بو اداره طلب ایدرسه سناتو طرفندن حاکمکه منسوب اولیانلردن اعضا تعین ایدیلیر . بره‌من لیان منطقه‌سنده ایسه بالعکس محلی آمت محکمه‌سی وصایت اداره‌سی در . شو قدرکه محکمه‌نک طلی ایله سناتو طرفندن حاکم اولیان کسه‌لر اعضا اوله‌رق اشتراک ایتدیریلیر .

[مابعدی وار]

